

# **IMAQARNILIAQ SAA- Sanarfinermut Avatangiisinullu Ataatsimiititaq 23-02-2023**

**Ulloq ataatsimiiffissaq**    Torsdag 23. februar 2023 kl. 18:00

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Qinngutsinni oqquiffissanik sisamanik tunniussineq, Nuuk.....	6
Inissiamit ulloq unnuarlu paaqqinnittarfinngorlugu atuuffiup allanngortinneqarnissaannut qinnuteqaq.....	9
Kangerlukasik Avannarlermi puttasumik ataatsimik ingerlataqalernissaq.....	13
Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk.....	16
Kommunimut pilersaarummut tapiliussassatut siunnersuut, 1A3-3 Jens Kreutzmannip aqqutaa aamma.....	19
Kommunimut pilersaarummut tapiliussaq 1A13-2 Qimerlua inaarutaasumik akuersissutigineqarneri.....	22
Kommunimut pilersaarummut tapiliussaq O10-1 Nunatarsuaq, Nuuk inaarutaasumik akuersissutigineqarneri.....	25
Oqaluuserisassanut tapiliussaq: Nuummi Kapisilinnilu 2023-mi upernaakkut ataatsimiititat ataatsinngorlugu.....	30
Lukket.....	33
Taasariaqartut allat.....	34
Imaqarniliap akuerineqarnera.....	35

# IMMIKKOORTOQ .: Saqqaa

## Ilaasortat:

Finn Karlsen (N), *siulittaasoq*  
Uju Petersen (IA)  
Lone Rosengreen Pedersen (IA)  
Naya Sophia Pedersen Lyberth (IA)  
Justus Hansen (D)  
Peter Davidsen (S)  
Dines Mikaelson (S)

## Beslutning

### Ataatsimeeqataasut:

Uju Petersen (IA)  
Lone Rosengreen Pedersen (IA)  
Naya Sophia Pedersen Lyberth (IA)  
Peter Davidsen

### Attaveqaatitigut peqataavoq:

Dines Mikaelson (S)

### Ataatsimeeqataasinnaanatik nalunaartut:

Finn Karlsen (N)  
Justus Hansen (D)

# **IMMIKKOORTOQ .: Oqaluuserisassat akuersissutigineqarneri**

## **Beslutning**

Oqaluuserisassat akuersissutigineqarput.

# **IMMIKKOORTOQ .: Nalunaarutit**

# **IMMIKKOORTOQ 1: Qinngutsinni oqquiffissanik sisamanik tunniussineq, Nuuk**

## **Beslutning**

Ilisimatitsissut tusaatissatut tiguneqarpoq, ima oqaaseqaatitalerlugu: Najukkami Ataatsimiititaliaq kaammattorneqarpoq siunissami suliniutini ingerlatsineq ilanngullugu pilersaarusiortassagaat, aammalu allanut ingerlatsinermik tunniussisoqassanngitsoq.

## **Ilanngussat**

Oqquiffissat sisamat tamanut suliariumannittussarsiuunneqarnerat pillugu allagarsiussaq

Nuummi Najukkami Ataatsimiititaliap 2022-mi aningaasanik atugaanik takussutissaq

## Qinngutsinni oqquiffissanik sisamanik tunniussineq, Nuuk

Ilisimatitsissut

SagsID.: EMN-2022-09737

Suliffeqarfimmut Kiffartuussivik - kommunaldirektør Ole Jakobsen / OJAK

### Inassuteqaat

Aningaasaqarnermut Inuusutissarsiornermullu Ataatsimiititamit Sanarfinermut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

### Suliassamik saqqummiussineq

Nuummi Najukkami Ataatsimiititaliaq 2019-imi aalajangerpoq oqquiffissanik pisinissaminut, taakkuali ingerlanneqarnissaannut aningaasartuutissat pilersaarusiorneqarsimanngillat.

Ileqqoreqqusaq malillugu aningaasaliissutinik atuinermi Nuummi Najukkami Ataatsimiititaliamit pingaartinneqassaaq:

- Aaqqissuussat najukkami najugaqartunut ataatsimoornerulersitsisut inooriaatsimillu ilorraap tungaanut saatitsinnaasut.
- Aaqqissuussat, illoqarfiup immikkoortuani innuttaasut, atuisut paaqqinnittarfiillu qassinilluunniit ukioqaraluartut, qanoq tunuliaqutaqaraluartut allaanerussuteqaraluartut akornanni oqaloqatiginnilersitsisut aamma/imaluunniit atassuteqalersitsisut
- Aaqqissuussat, illoqarfigisami innuttaasut akornanni, atuisut akornanni, suliffeqarfiit akornanni, ataatsimoorfikkaani assersuutigalugu utoqqaat, meeqqat, angajoqqaat imaluunniit ataatsimoorfikusartut arlaatigut anguniagaqarlutik pitsaanerulersitsinissaq anguniarlugu sulissuteqartartut.
- Aaqqissuussat neqeroorutillu kulturikkut, nipilersornikkut, timersornikkut eqqumiitsuliornikkut sunngiffimmilu sammisassaqartitsinikkut siunertarineqartut pitsaanerulersinnissaannut ineriartortinneqarnissaannullu tunngassuteqartut.
- Agguaanneqartussatut aningaasaliissutit aamma tusarniaassutinut tamanut ammasumik ingerlatitassanut, workshops-inut, suliniutinut, aaqqissukkanut allanut sulianulluunniit Najukkami Ataatsimiititaliap pilersitaanut atorneqarsinnaapput

Qulaani taaneqartut imatut paasisassaapput, Nuummi Najukkami Ataatsimiititaliap sammisassat suliniutillu qitiutissagai, taamaattumik oqquiffissat ingerlanneqarnissaat allanut tunniunneqassasoq kissaatigineqartoq. Tamanna tunngavigalugu Nuummi Najukkami Ataatsimiititaliamit oqquiffissat taakkua sisamat tamanut suliariumannittussarsiuunneqarput piffissami 11.11.2022-miit 12.12.2022-mut, tamanna pivoq Kommuneqarfik Sermersuup nittartagaatigut kiisalu Nuuk Ugeavisikkut (ilanngussaq 1). Saaffiginnissuteqartoqanngimmat soqutiginnittoqaraniluunniit, Suliffeqarfimmut Kiffartuussivik innersuussuteqarpoq oqquiffissat taakkua sisamat Sanarfinermut Avatangiisunullu Ingerlatsivimmut tunniunneqassasut.

Suliffeqarfimmut Kiffartuussiviup kissaatigivaa oqquiffissat innuttaasunit tamanit atorneqarsinnaanissaat aamma ingerlatsivik taakku aserfallatsaalineqarnissaannik ingerlanneqarnissaannillu isumaginnittuussasoq.

### Ingerlatsivimmit aningaasatigut sulisoqarnikkullu naliliinerit

Nalilerneqarpoq aserfallatsaaliuineq, ingerlatsineq, allaffissorineq kiisalu oqquiffissat taakkua sisamat pillugit naatsorsuutigineqanngitsunik aningaasartuutit ukiumut 100.000 kr.-nik naleqassasoq.

Nuummi Najukkami Ataatsimiititaliamut ukiumoortumik 3.470.000 kr-it immikkoortinneqartarput (ilannugsaq 2). Suliffeqarfimmu Kiffartuussiviup innersuussutigivaa, qulaani aningaasartuutit taaneqartut Nuummi Najukkami Ataatsimiititaliamit matussuserneqartassasut taakku atorunnaarnissaasa tungaanut.

### **Suliffeqarfimmu Kiffartuussivimmit aningaasatigut naliliineq**

Aningaasaliissutigineqartut eqqarsaatigalugit aaqqiissutip iluaqutaassusaa atorneqarneralu ukiumoortumik naliliivigineqartassasoq innersuussutigineqarpoq.

### **Inatsisitigut tunngavissaq allakkallu tunngaviumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Najukkami Ataatsimiititaliamut ileqqoreqqusaq
- Najukkami Ataatsimiititaliap suleriaasissaa

### **Siusinnerusukku aalajangiinerit**

*Aningaasaqarnermut Inuussutissarsiornermullu Ataatsimiititaq, 31.01.23:*

Suliffeqarfimmu Kiffartuussivimmit Aningaasaqarnermut Inuussutissarsiornermullu Ataatsimiititamut inassutigineqarpoq:

- Qinnqutsinni oqquiffissat sisamat Sanarfinermut Avatangiisinullu Ingerlatsivimmut tunniunneqarnissaat akuerineqassasoq
- oqquiffissat taakkua sisamat peerneqarnissaasa tungaanut ukiumoortumik 100.000 kr-it Sanarfinermut Avatangiisinullu Ingerlatsivimmut Nuummi Najukkami Ataatsimiititap aningasaliissutaanangaanniit nuunneqartassasut akuersissutigineqassasoq
- suliaq ilisimatitsissutitut Sanarfinermut Avatangiisinullu Ataatsimiititamut ingerlateqqinneqassasoq

Inassuteqaat akuersissutigineqarpoq.

### **Ilannugssat**

1. Oqquiffissat sisamat tamanut suliariumannittussarsiuunneqarnerat pillugu allagarsiussaq
2. Nuummi Najukkami Ataatsimiititaliap 2022-mi aningaasanik atugaanik takussutissaq

# IMMIKKOORTOQ 2: Inissiamit ulloq unnuarlu paaqqinnittarfinngorlugu atuuffiup allangortinneqarnissaannut qinnuteqaat, Kangillinnguit 1, Nuussuaq

## Beslutning

Uju Petersen (IA) suliamut attuumavallaarnini nalunaarutigaa ataatsimiittarfillu qimallugu.

Inassuteqaat imatut oqaaseqaatitalerlugu itigartitsissutigineqarpoq: Ataatsimiititap kissaatigaa kommunitum pilersaarusiornermut atatillugu suliffeqarfinnut nunaminertat sumiinnissaat aalajangersarneqassasoq. Suliami matumani qinnuteqartoq sumiiffimmut allanut qinnuteqaateqarsinnaavoq.

## Ilanngussat

Qinnuteqaat

Eqqaamiunik tusarniaanerit

Eqqaamiunik tusarniaanermi akissutit

Illoqarfiup assinga ulloq unnuarlu najugaqatigiiffiit sumiiffiinik nalunaaqutsersugaq

## **Inissiamit ulloq unnuarlu paaqqinnittarfinngorlugu atuuffiup allanngortinneqarnissaannut qinnuteqaat, Kangillinnguit 1, Nuussuaq**

Aalajangiiffigisassaq

SagsID.: BOG-2021-06236-003

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiittamat inassuteqaatigineqarpoq:

- nunaminertamik atugassiinermi atuuffiup allanngortinneqarnissaa akuersissutigineqassasoq

### **Suliassamik saqqummiussineq**

Sanarfinermut Avatangiisinullu Ingerlatsivik ilaqutariit ataatsit illuat Kangillinnguit 1 Nuussuarmit tup nunaminertamik atugassiissutip allanngortinnissaanut ulloq unnuarlu angerlarsimaffittut atorineqarnissaanik qinnuteqaammik tigusaqarpoq. Illu kommunimut pilersaarummut tapiliusaaq 3A3-8-mut ilaavoq - taannalu immikkoortup ilaanut 3A3-mut Paarnani inissiaqarfimmut ilaavoq. Immikkoortup atuuffissaa inissiaqarfissanngorlugu aalajangersaaffigineqassaaq siammasissunik pukkitsunik inissialorfigalugu ilaqutariit ataatsit illuinik imaluunniit illunik affarleriinnik, inissianik eqimasunik pukkitsunik soorlu uiguleriaaani assigisaannilluunniit.

Illu inissiaqarfimmi inissisimavoq, taamaalillunilu atorineqarnerata allanngortinnissaa immikkut ittumik akuersissutigisariaqarluni.

Suliamik suliarinninnermut atatillugu suliamik saqqummiussinissaq sioqqullugu ingerlatsivik imaattunik suliaqarsimavoq:

- Ingerlatsiviup inissisimaffia misissorsimavaa, tamaanilu pissutsit assingusut misissorsimallugit
- Ingerlatsiviup qinnuteqaatip Kangillinnguani eqqaamiorisanut tusarniaassutigaa.

### Qinnuteqaat

Qinnuteqaammi atuarneqarsinnaavoq, ulloq unnuarlu paaqqinniffik nukappiaqqanut arfineq-pingasunut, 12-iniit 14-inut ukiulinnit, najugarineqassasoq. 10-12-inik sulisoqassaaq, ullukut 2-4-t sulisassapput paarlakaallutik, unnuakkullu marluk. Najugaqartut tamarmik meeraapput nalinginnaasumik atuartut, taakkulu meeqqatut allatut taamatut ukiulittut illoqarfimmi sunngiffimmi sammisassaqartitsiniutinut assigiinngitsunut ilaasarput.

MH Enterprises qinnuteqartuuvoq, taannalu inissianik attartortitsisarpoq, paaqqinniffittaanik ingerlatsineq ulloq unnuarlu paaqqinniffimmit imminut pigisumit Aqissermit ingerlanneqassaaq.

### Suliamut tunngasumik naliliineq

Ingerlatsivimmit Nuummi ulloq unnuarlu paaqqinnittarfiit nalunaarsukkat tamaasa allattorsimasuutit aallaavigalugit, paasineqarpoq kommunimut pilersaarummut pilersaaruseriffimmi tassani ulloq unnuarlu paaqqinnittarfimmut nunaminertamik atugassiisoqarsimanngitsoq. Taamaattorli eqqaamiunik tusarniaanermi paasitinneqarpugut qanittuani inunnut tarnikkut unamminartorsiuteqartunut allamik najugaqatigiiffeqartoq.

Pilersaaruseriorneq eqqarsaatigalugu Ingerlatsiviup nalilerpaa, sumiiffimmi allamik ulloq unnuarlu paaqqinnittarfeqarsinnaasoq, tamaani inissisimasunut sunniuteqarnerluutaanngitsumik imaluunniit kommunimut pilersaarummut tapiliussami atuinissamat aalajangersakkat malillugit sumiiffiup inissiaqarfiuneranik allannguutaanngikkaluartumik.

Naliliineri immikkuualuttumi inissiat ataasiakkaat amerlassusaat ulloq unnuarlu paaqqinnittarfiit amerlassusaannut sanilliunneqarput, angallannermut atugassarititaasut nalilerneqarput kiisalu immikkoortoq ataatsimut isigalugu nalilerneqarpoq.

Immikkoortumi inissiat 130-t missaanniipput, paasissutissallu pigisavut tunngavigalugit maanna ataatsimik ulloq unnuarlu paaqqinnittarfeqarpoq. Qinnutigineqartumut nunaminertamik atugassiineq nalunaarutigineqassappat, ulloq unnuarlu paaqqinnittarfiit katillugit marluussapput.

Angallannermut tunngasut eqqarsaatigalugit, sumiiffimmi annertunerusumik artorsiisoqarnaviangitsoq kommunip nalilerpaa. Tamanna ulloq unnuarlu angerlarsimaffimmi sulisut qassiunissaanik, qanorlu innikkut suliffigineqartarnissaanut tunngaveqarpoq. Taava aamma biilit uninngasarfiisa ilaneqarnissaat piumasarineqassanngilaq.

Suliaq sanaartornermut inatsit naapertorlugu sulililerneqaranilu suliarineqanngilaq.

#### Egqaamiorisanik tusarniaaneq

Pilersaarusiornermut inatsit naapertorlugu kommune immikkut ittumik akuersissuteqarsinnaavoq, kommunimut pilersaarummut tapiliussami tunngavinnut akornutaanngippata. Taamaattorli eqqaamiorisanut tusarniaasoqassaaq, eqqaamiorisanut suliamut attuumassuteqartutut kommunip isumaqarfisinaanut, taamaalillunilu suliamut tunngatillugu sukumiisumik, pingaarutilimmik, toqqaannartumik ataasiakkaatullu soqutigisalimmut.

Eqqaamiorisamut tusarniaaneq 22.11.2022-miit – 06.12.2022-p tungaanut pivoq, qinnuteqaatigineqartumullu arlalinnik akerliliissutinik tigusaqartoqarpoq.

Maannakkut ulloq unnuarlu paaqqinnittarfimmut eqqaamiorisanit tusarniaanermut akissutini allassimasoqarpoq immikkoortumi eqqissiviilliorneq misigineqartartoq, tassa politiit akulikitsumik orniguttarput. Tamanna pillugu akerliliissuteqartut immikkoortumi ulloq unnuarlu paaqqinnittarfiit ilaqqinneqarnissaat kissaatiginngilaat.

Matumani qinnuteqaammi aalajangersimasumi meeqqanut 12-14-inik ukiulinnut najugaqatigiiffik qinnuteqaatigineqarpoq. Meeqqat immikkut pisariaqartitsisuunersut ilisimatitsissutigineqanngilaq, taamaattumillu qinnuteqartumit maanna ulloq unnuarlu paaqqinniffimmi pioreersumisut ajornartorsiuteqartoqarnissaa naatsorsuutigisariaqarparput.

#### **Ingerlatsivimmit aningaasatigut sulisoqarnikkullu naliliinerit**

Soqanngilaq.

#### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

#### **Inatsisitigut tunngavissaq allakkallu tunngaviusumik uppersaattillit**

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarusiornermut tapiliussaq 3A3-8, Ammassat, Nuuk immikkoortup ilagivaa 3A3 Najugaqarfiit ilaanni Paarnani.
- Kommunimut pilersaarut 2032

## **Ilanngussat**

1. Qinnuteqaat
2. Eqqaamiunik tusarniaanerit
3. Eqqaamiunik tusarniaanermi akissutit
4. Illoqarfiup assinga ulloq unnuarlu najugaqatigiiffiit sumiiffiinik nalunaaqutsersugaq

# **IMMIKKOORTOQ 3: Kangerlukasik Avannarlermi puttasumik ataatsimik ingerlataqalernissaq**

## **Beslutning**

Inassuteqaat akuersissutigineqarpoq.

## **Ilanngussat**

"Neqitaq"-mit allagarsiat oktobarip ulluisa 21-anni 2022-meersut

Sinerissap qanittuani aalisarneq pillugu immikkoortumut pilersaarut

NAPP-mut ingerlataqalersitsineq 2013-imeersoq

Ineqarnermut Attaveqaasersuutinullu Naalakkersuisoqarfimmit allakkiaq

## Kangerlukasik Avannarlermi puttasumik ataatsimik ingerlataqalernissaq

Peqatigiiffik "Neqitaq" puttasumik ataatsimik pissarsiniarluni qinnuteqaateqarpoq

Aalajangiiffigisassaq

SagsID.: BOG-2019-01769-003

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Peqatigiiffik Naalackersuisunit umiarsualivimmik ingerlatsinermut akuersissummik pissarsissappat aalisartut peqatigiiffiannut Neqitaq-mut puttasunik tunniussinissamat pisortaqatigiit piginnaatinneqarnissaat akuersissutigineqassasoq

### Suliassamik saqqummiussineq

Ingerlatsivik aalisartut piniartullu peqatigiiffiannit "Neqitaq"-mit puttasumik ataatsimik ingerlataqalernissamik qinnuteqaammik tigusaqarpoq, oktobarip ulluisa 21-anni 2022-meersumik.

Kommuneqarfik Sermersooq Kangerlukasik Avannarlermi puttasunik tamanit atorneqarsinnaasumik peqarpoq, pingaartumik sinerissamat qanittumi aalisartunit akeqanngitsumik atorneqartartunik.

Kommunip puttasuutai tamanit atorneqarsinnaasut ukiup naalernerani novembar - decemebarimi qaqqinneqartarput, ukiup sikuanit, anorimit silamillu ajoquserneqannginniassammata. Puttasut singinneqaaqqittarput upernaakkut martsimi-apriliimilu. Tamassuma nassatarisarpaa umiatsiaararsorlutik aalisartut puttasunik atuisinnaajunnaartarnerat. Tamatuma nassatarisaanik umiatsiaararsorlutik aalisartut umiatsiaaqqatik ukiukkut sikup sinaanut pituttariaqartarpaat, umiatsiaaqqaminnillu alakkarterigaangamik ajornakusoortunik atugassaqartarlutik, sikup sinaani paarmorlutik umiatsiaaqqaminnukartarlutik.

Aalisartut Piniartullu Peqatigiiffiat "NAPP" 2013-imi kommunimit puttasumik ataatsimik ingerlatassaqaalersinneqarpoq. Peqatigiiffik puttasumik ulluinnarni ingerlatsisuullunilu aserfallatsaaliisuvoq. Peqatigiiffiup puttasooq ukioq kaajallallugu ingerlataaraa, ukiukkullu sermiartuurtarlugu, taamaalillutik ilaasortat ukioq kaajallallugu angallatik pituttarniassammatigit.

Peqatigiiffik "Neqitaq"-p ilaasortamik assinganik pineqarnissaat kissaatigaat, puttasumillu ataatsimik ingerlataqalerniarlutik qinnuteqaateqarlutik.

Tamatuma kingorna umiarsualiviit pillugit Inatsisartut inatsisaat nr. 9, 3. Juni 2015-meersoq atuutilerpoq. Inatsisip malitsigaa, atortulersuutitalinnik sanaartortitsineq, allilerineq kiisalu umiarsualivinnik atuneq ingerlatsinerlu, ingerlatsitsinnaanermik akuersissummik peqartoqarnissaa inatsimmi piumasaqaataammat. Neqitaq puttasumik ingerlataqassappat, Neqitaq Naalackersuisunut ingerlatsisinnaanermut qinnuteqassaaq. Umiarsualivinnit ingerlatsisinnaanermut akuersissut atortulersuutitalinnik sanaartortitsineq, allilerineq kiisalu umiarsualivinnik ingerlatsineq taamaallaat umiarsualivinnut ingerlatseqatigiiffinnut tunniunneqarsinnaavoq, taamaattumik puttasumik piginnettussat ingerlatseqatigiiffimmik pilersitsisariaqassapput. Naalackersuisut aamma periarfissaqarput, taaneqartunit allaasumik, aalajangersimasumik annertussusilimmik erseqqinnerusumillu piumasaqaateqarfiusummik akuersissummik tunniussisinnaalutik, § 7 stk 3 malillugu.

Assigiimmik piginnittussaaitaaneq tunngavigalugu ingerlatsiviup nalilerpaa, puttasooq Neqitaq-mut ingerlatassanngortinneqassasoq. Tassunga ilanngullugu ingerlatsiviup nalilerpaa, tamanna Kommuneqarfik Sermersuumut nukissatigut iluaqutaasussamik aalajangeruserusoq. Sanaartugaq inatsit malillugit peqatigiiffimmut tunniunneqassappat, peqatigiiffik umiarsualivinnik ingerlatseqatigiiffimmit pilersitsisariaqarpoq, Naalakkersuisuniilli umiarsualivinnik ingerlatsisinnaanermut akuersissummik peqqaartariaqarluni.

### **Ingerlatsivimmit aningaasatigut sulisoqarnikkullu naliliinerit**

Ingerlatsiviup nalilerpaa puttasumik "Neqitaq"-mut ingerlatassaqalersitsinerup kingunerissagaa ingerlatsinermut missingersuutinik sulisoqarnikkullu annikitsumik sipaaruteqartoqassasoq, tassami ingerlatsinermut aserfallatsaaliinermullu aningaasartuutaasartut peqatigiiffiup akilertalertussaammagit. Puttasooq nutaaq 800.000 koruunit missaannik akeqarpoq. Pioreersoq aningaasartuutaareerpoq, aammalu Neqitaq-mut ingerlatassanngortinneqarneratigut oqimaqatigiissaarinermi kommunimut annaasaqaatitut nalunaarsorneqassanngilaq. Puttasooq ukioq 2010 sioqqullugu pisaaavoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviummik uppersaatiillit**

- Umiarsualiviit pillugit Inatsisartut inatsisaat nr. 9, 3. Juni 2015-meersoq
- Sinerissap qanittuani aalisarneq pillugu immikkoortumut pilersaarut

### **Ilanngussat**

1. "Neqitaq"-mit allagarsiat oktobarip ulluisa 21-anni 2022-meersut
2. Sinerissap qanittuani aalisarneq pillugu immikkoortumut pilersaarut
3. NAPP-mut ingerlataqalersitsineq 2013-imeersoq
4. Ineqarnermut Attaveqaasersuutinullu Naalakkersuisoqarfimmit allakkiaq

## **IMMIKKOORTOQ 4: Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk**

### **Beslutning**

Inassuteqaat akuersissutigineqarpoq.

### **Ilanngussat**

Kommunimut pilersaarummut tapiliussasatut siunnersuut L9-1, Kiattua, Amitsuarsuk, Nuuk



## **Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk**

Aalajangiiffigisassaq

SagsID: EMN-2022-06854

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatineqarpoq:

- kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut L9-1, Kiattua, Amitsuarsuk, Nuuk, siunnersuut matumuuna saqqummiunneqarpoq.

Kommunimut pilersaarummut tapiliussa q suliarineqarpoq pilersaarutitut siunnersuut Camp Kiattua tunuliaqutaralugu, piffissami marsip ulluisa aappaanniit – apriliip ulluisa 27-ata 2022-p tungaanut tamanut saqqummiunneqartoq, kingornagullu Sanarfinermut Avatangiisinullu Ataatsimiititap piumasaqaateqarneratigut sapaatip akunnerini pingasuni soqutigisaqartunut tusarniaassutigineqarpoq septembari 2022-mi.

Kommunimut pilersaarummut tapiliussa q una aqputigalugu immikkoortup ilaa L-imi nutaamik takornarialerineri siunertanut atugassisoqassaaq. Immikkoortoq Kapisillit avannaatungaani Amitsuarsuup paavata nalaani kujallermiippoq. Kangerluk naggorissunik sivinganertaqartiterpoq, tamaanilu kuuit kuunnguillu arlaqarlutik. Immikkoortup ilaata kangiatungaa eqaloqarfiunngitsumik kooqarpoq. Kangerluk Thule aamma Noorliit kulturianeersunik il.il. qanganisaqarpoq. Immikkoortullu ilaa Noorliit illukuat assitaliunneqarnikuuvoq, normoqarlunilu NKAH1470.

Immikkoortup ilaani sillajaanik salliarnartaqartiterpoq, taakkulu takornarianut illuaqqiorfissaqqillutik assigisaanilluunniit, tassami manissukajaajullutillu sivingajaartumiipput, isikkivigissitinneqarniassammata.

Immikkoortumi qattorngit katillugit aqqaneq-marluk sanaartorfigineqarsinnaapput, pigisanut ilioraaviit pinngortitamilu uffarfiit ilanngullugit, qattorngit arfineq-pingasut tupeqarfiussapput sulisut inissaannut, taavalu illu angisooq ataaseq, tassunga igaffik neriniartarfillu inissinneqassallutik. Qattorngit annerpaamik 50 m<sup>2</sup>-iussapput, taavalu pigisanut ilioraaviit annerpaamik 6 m<sup>2</sup>-iussapput. Illu angisooq annerpaamik 140 m<sup>2</sup>-iussaaq 1 ½-nik quleriilik. Sanaartorneqartut tamarmik nunamut naleqqussagaassapput, inississornerilu sapinngisamik nunamut tulluarsagaassallutik.

Sumiiffimmi aqqusineeraliortoqarsinnaavoq, tassuuna qulakkeerniarlugu aqputiliat pioreersut sapinngisamik allanngutsaalineqarnissaa. Aammattaaq sanaartornermut atatillugu puttasuliortoqarsinnaavoq, taannalu tamanit atornerqarsinnaasuussaaq. Aserfallatsaaliuinermit atatillugu nunaminertamik piginnittussaataasooq pisussaaffeqartinneqassaaq.



Pilersaarusiortiusoq nukissiuutini imminut pilersortussaavoq, tamannalu sapinngisamik seqernup qinngorneranik atuinermit pissaaq. Illuaqqat toqqilluunniit silataani qalipaataat avatangiisinut sapinngisamik ilassuuttuussapput.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Pilersaarusiortiusoq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Kommunimut pilersaarummut tapiliussasatut siunnersuut L9-1, Kiattua, Amitsuarsuk, Nuuk

# **IMMIKKOORTOQ 5: Kommunitut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk**

## **Beslutning**

Inassuteqaat akuersissutigineqarpoq.

## **Ilanngussat**

Kommunitut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk



## **Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk**

Aalajangiiffigisassaq

SagsID: EMN-2022-09679

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk, akuersissutigineqassasoq
- suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 1A3-3 Jens Kreutzmannip Aqputaa aamma Saqqarliit, matumuuna saqqummiunneqarpoq.

Immikkoortup ilaa 1A3 Nuup qeqqaniippoq Qapiarfiusaap aamma Dronning Ingridip Napparsimmavissuata (SANA)-p akornanniilluni 12 ha.-llu miss. annertutigaaq.

Kommunimut pilersaarummut tapiliussaq 1A3-3 suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilergineqartuaannarniassammat. Tassunga atatillugu kommune inissiaqarfiup sanaartorfineqanngitsortaa pillugu, pitsaaqutaalu pillugit tamakkiisumik nalilersuivoq, inissiat qanoq ilillutik allilerneqarsinnaanersut siunissamullu qulakkeerneqarsinnaanersut, sumiiffimmi illuliortaaseq immikkullu ilisarnaatai atatiinnarlugit.

Kommunimut pilersaarummut tapiliussassatut siunnersuummi immikkoortup nunap assingani killilersugaanera annertusineqarpoq aamma immikkoortup ilai 1C8-p aamma 1D3-p ilaat ilanngunneqarlutik. Pilersaarusiortuup pingaarnertut atuuffia inissiaqarfittut attatiinnarneqassaaq.

Immikkuualuttut marluk atugassiissutigineqarput. Immikkuualuttoq A siammasissunik pukkitsunik inissianik sanaartorfissatut atugassiissutigineqarput, quleriit 1,5-it tikillugit, annerpaamik tunngaviup nunaminertarissavaa 120 m<sup>2</sup>. Ungasissusissamut piunarsaqaat tunngavigalugu inissiat tamamik tunngaviup nunaminertaata annerpaaaffissaannut allilerneqarnissaat periarfissaqanngillat. Immikkuualuttoq B akulikitsunik pukkitsunik inissianik sanaartorfissatut atugassiissutigineqarput, quleriit 2,5-it tikillugit, Immikkuualuttoq B-mi illut uiguleriit tallimaanit pingasut isatereerput uiguleriillu kingulliit marluk isatereqarnissaannut pilersaarutaareerlutik. Kommunimut pilersaarummut tapiliussami maanna siusinnerusukkulluunniit uiguleriit inissiat inissisimaffianni nutaanik sanaartorfissanik atugassiisoqarpoq. Uiguleriinnik nutaanik sanaartornermi aalajangersakkat tunngavigalugit eqqaaniittunut illunut sanaartorfinnut tulluuntuunissaat qulakkeerneqassaaq.

Siunnersuut sapaatip-akunnerini arfineq-pingasuni tamanut tusarniaassutigineqassaaq.



Matumani Kommunimut pilersaarummut tapiliussassatut siunnersuutip 1A3-3-p akuersissutigineqarneratigut 1A3-2 atorunnaarsinneqassaaq.

**Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

**Ilanngussat**

1. Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk

# **IMMIKKOORTOQ 6: Kommunitut pilersaarummut tapiliusseq 1A13-2 Qimerlua inaarutaasumik akuersissutigineqarnera**

## **Beslutning**

Inassuteqaat akuersissutigineqarpoq.

## **Ilanngussat**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 1A13-2 Qimerlua

## **Kommunimut pilersaarummut tapiliusseq 1A13-2 Qimerlua inaarutaasumik akuersissutigineqarnera**

Aalajangiiffigisassaq

SagsID: EMN-2022-02396

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- kommunimut pilersaarummut tapiliussatut siunnersuut 1A13-2 Qimerlua
- suliaq Aningaasaqarnermut Inuussutissarsiornermullu Ataatsimiititamat Kommunalbestyrelsimullu aalajangiiffigisassanngorlugu ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsiviup matumuuna 1A13-2 Qimerlua saqqummiuppa.

Kommunimut pilersaarummut tapiliusseq siunnersuutit sapaatip-akunnerini arfinilinni tamanut tusarniaassutigineqarpoq, piffissami novembarip ulluisa 24-anit januaarip ulluisa 29-iata 2022-p tungaanut. Tusarniaanermut killiliussap iluani akissutit marluk tiguneqarput. Taakku annikitsunik oqaasertaatigut aaqqiissuteqartitsissapput.

Pilersaaruserfigineqartoq 1A13 5,2 ha-it missaannik isorartussuseqartoq Nuup qeqqaniippoq.

Kommunimut pilersaarummut tapiliussami 1A13-2 immikkoortup nunataa kiisalu pingaarnertut atuuffia inissianut siunertanut attatiinnarneqarpoq, taamaattorli immikkuualuttut marluk atugassiissutigineqarput. Immikkuualuttoq A, kitaatungaaniittoq, inissianut siunertanut, tassunga ilanngullugu kollegianik ilinniartunullu inissianik, sanaartornissamat aalajangersimasumik periarfissiisoqarpoq. Immikkuualuttoq B, kangimut sammisumik, Qimerluata eqqaani inissianut pioreersunut.

Matumani Kommunimut pilersaarummut tapiliussassatut siunnersuutip 1A13-2-p akuersissutigineqarneratigut 1A13-1 atorunnaarsinneqassaaq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilernerqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Pilersaaruserfigineq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)



## **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitumut pilersaarummut tapiliussaq 1A13-2 Qimerlua

# **IMMIKKOORTOQ 7: Kommunit pilersaarummut tapiliusaaq O10-1 Nunatarsuaq, Nuuk inaarutaasumik akuersissutigineqarnera**

## **Beslutning**

Inassuteqaat imatut oqaaseqaatilerlugu itigartissutigineqarpoq: Siunissami akuersissutitalinnik qinnuteqaatit eqqarsaatigalugit, ataatsimiititap kissaatigaa susasaqartut ammasumik peqataatitsinerusumillu akuutinneqassasut.

## **Ilanngussat**

Tusarniaanermut akissutinik suliaqarneq

Tusarniaanermi akissutit tiguneqartut

Kommunit pilersaarummut tapiliusaaq O10-1 Nunatarsuaq, Nuuk

Pinngortitaleriffiup peqataatitsinermut nalunaarusiaa

## Kommunimut pilersaarummut tapiliusaaq O10-1 Nunatarsuaq, Nuuk inaarutaasumik akuersissutigineqarnera

Aalajangiiffigisassaaq

SagsID: EMN-2022-01344

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- kommunimut pilersaarummut tapiliusaaq O10-1 Nunatarsuaq, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissassanngorlugu ingerlateqqinneqassasoq

### Suliassamik saqqummiussineq

Inassuteqaatigineqartoq una politikikkikut akuersissutigineqassappat, Nunatarsuarmi Nuup Kangerluani tammajuitsussarsiorluni piniarnermut akuersissuteqartoqassaaq, Nuummi aatsaat taamatut pisoqassalluni, Nunattali sinnerani ukiorpaalunni ilaatigut Kangerlussuarmi taamatut ingerlatsisoqarnikuuvoq. Piniarnermut akuersissutit pingaarutaat ingerlatsivimmiit imatut erseqqissaatigineqassaaq:

Nunatami piniarnermut akuersissuteqarfiunngitsumi, sumiluunniit piniarfigineqarsinnaasumi, pissutsit tulluuttut atuupput:

- o Inuussutissarsiuutigalugu piniartut tamarmik akuersisamik piniarnermut allagartallit piniarsinnaatitaapput
- o Saniatigooralugu piniartut tamarmik akuersisamik piniarnermut allagartallit piniarsinnaatitaapput
- o Inuussutissarsiuutigalugu tammajuitsussarsiorluni piniarnerit tamarmik atuuttumik akuersissutitalit pisinnaapput

Nunatami piniarnermut akuersissuteqarfiusumi pissutsit tulluuttut uku atuupput:

- o Inuussutissarsiuutigalugu piniartut tamarmik akuersisamik piniarnermut allagartallit piniarsinnaatitaapput
- o Saniatigooralugu piniartut tamarmik akuersisamik piniarnermut allagartallit piniarsinnaatitaappu
- o Inuussutissarsiuutigalugu akuersisamik tammajuitsussanik piniartitsineq taamaallaat akuersissummik pigisalinnit ingerlanneqarsinnaavoq

Tamakkisumik isigissagaanni assigiinngissutaa tassaassaaq, takornariat tammajuitsussarsiorlutik angallassisutik peqatigalugit nunatami piniarnermut akuersissuteqarfiusumi tammajuitsussarsiorlunit allanit avissaaqqatinneqarnissaat, nunatami najukkami inuussutissarsiuutigalugu saniatigooralugulu piniartunik avitseqatigiiffiusumi. Najukkami inuussutissarsiuutigalugu saniatigooralugulu piniartut aamma piniarnermut akuersissutitaqarfiunngitsup sinnerani piniarfiunnginnerunera misigissavaat.

Sanarfinermut Avatangiisinullu Ingerlatsivimmit kommunimut pilersaarummut tapiliusaaq O10-1 Nunatarsuaq matumuuna saqqummiunneqarpoq. Kommunimut pilersaarummut tapiliusaaq O10-1 Nunatarsuaq siunnersuut sapaatip-akunnerini 8-ni, piffissami 31. august – 26. oktobari tamanut tusarniaassutigineqarpoq. Piffissaliussap iluani tusarniaanermut akissutit qulit tiguneqarput, taakkunani ataaseq aternik 62-inik atsiornertaqarluni. Tusarniaanermut akissutit pilersaarutit

ilassummi allannguutissamik pissutissaqartitsinngillat, immikkoortulli arlaqartut akuersissummik neqeroorteqartitsinissami ilanngutitinnissaanut ingerlateqqinneqassapput.

Tusarniaanermut akissuteqaatini takuneqarsinnaavoq nalinginnaasumik tammajuitsussarsiniarluni tuttunniarneq aamma akuersissummik pigisaqartunut tuttunniarneq. Ingerlatsivimmit erseqqissarneqarpoq piffissami matumani piniariarfinni tamani, Nunatarsuaq ilanngullugu, tammajuitsussarsiniartitsilluni piniartoqarsinnaasoq, akuersissummik pigisaqaraanni. Kisermaassilluni akuersissut taamaallaat akuersissummik pigisaqarnissamik angusaqarsimasunut atuuppoq. Tassa imaappoq kisermaassilluni tammajuitsussamik piniartitsinissamut akuersissut, soorlu takornarianut nioqqutitut ittoq.

Taakku saniatigut tusarniaanermi akissutini takuneqarsinnaavoq tuttunniartarfiit sunngiffimmi piniartartunit aamma inuussutissarsiutigalugu piniartunit ernumassutigineqartoq. Ingerlatsiviup soqutigisaqatigiit kattuffii, inuussutissarsiutigalugu piniartut aamma sunngiffimmi piniartartut tusarniaassummik nassinneqarsimannginnerat ataasiakkaanit uparuarneqarpoq. Ingerlatsiviulli erseqqissaatigaa, taamaattoqarpat ingerlatsineq soqutigisat apeqqutaatillugit assigiinngitsunik piniartarfiillu sumiinneri apeqqutaatillugit immikkoortiterisoqarnissaa. Kommunimi sunngiffimmi suliaasaqarfimmi soqutigisaqatigiinnut tunngatillugu ingerlatsivik sullissinissamik taama ittunik sullissinissaminut periarfissaqanngilaq. Ingerlatsinikkut naligiissitsineq eqqarsaatigalugu tamanna pitsaasuunngilaq.

Ingerlatsiviup tusarniaassutai tamatigut tamanut allagarsiissutigineqartarput, ingerlatsivimmillu nalilerneqarpoq, ataasiakkaani siulersuisut soqutigisaqarfimmik iluani attuumassutillit pillugit ilisimatitsisarnissartik akisussaaffigaa.

Kommunimut pilersaarummut tapiliussamut nunaannarmi immikkoortup ilaanik nutaamik, tammajuitsussarsiorluni tuttunniartitsinissamut akuersissutigineqartussatut atorneqarsinnaasumik pilersitsisoqarnissaa imaraa. Sumiiffik katillugu 815 km<sup>2</sup>-it missaanni annertussuseqarpoq, tassa Nuup Kangerluani avannarpasissumi Immikkoortup ilaa O2 Inuilaarsuaq – Nerutusooq Avannarliup sanaartorfioqqusaanngitsup iluani.

Immikkoortup ilaata siunnersuutigineqartup O10-p iluani sumiiffiit pingasut akuersissuteqarfissatut atugassanngortinneqassapput. Taakku Inuussutissarsiornermut aamma Nukissiutinullu Naalackersuisoqarfimmiit ataatsimut ataasiartumik akuersissutissatut imaluunniit akuersissutinik pigisaqartunut assigiinngitsunut arlalinngorlugit neqeroortitsissutigineqarsinnaapput.

Kommunimut pilersaarummut tapiliussami tunngaviit tassaapput:

- Immikkoortup ilaa O10-mik nutaamik immikkoortuliornissaq
- O10-p sumiiffittut tammajuitsussarsiorluni tuttunniartitsinissamut uumasunillu allanik piniarnissamut akuersissutigineqartussatut atugassianngorlugi aalajangersarneqarnissaa.
- Nunaannaap naleqquttumik atorneqarnissamik qulakkeerinninnissaq, aamma takornarianut sukisaarsaatigalugu piniartartunut pitsaasunik atugassaqartitsinissaq.
- Sumiiffimmi pineqartumi akuersissummumut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqartitsinissamik qulakkeerinninnissaq

Akuersissut ima isumaqarpoq, suliffeqarfiup kisimiilluni nunami sumiiffiup aalajangersimasup iluani takornariaqarnermut atatillugu qinnuteqaatigineqartoq nioqqutigisinnaagaa. Akuersissut assersuutigalugu tammajuitsussarsiniarluni piniarnermut piginnaatitaasumut ataatsimut tunniunneqassaaq, taamaalillunilu taanna kisimi immikkoortumi tammajuitsussarsiniarluni piniarnissamik niueruteqarsinnaalissaaq. Taamaakkaluortoq allanik, soorlu inuussutissarsiutigalugu aamma sunngiffimmi piniarnermik, sammisaqartoqarsinnaavoq.

### Peqataatitsineq

Peqataatitsinissamut saniatigut iliuuserineqarpoq Hotel Hans Egede-mi siunnersuut pillugu paasisitsiniaalluni ataatsimiisitsineq, Inuussutissarsiornermut Nukissiuuteqarnermullu Naalakkersuisoqarfik suleqatigalugu ulloq 12. oktobari 2022 ingerlanneqartoq. Innuttaasut 25-t missaat takkuppet. Amerlasuut sunngiffimmi piniartarlutik, ataasiakkaallu inuussutissarsiuutigalugu piniartuullutik oqaatigaat. Ataatsimiinnermi saqqummiunneqarpoq ataasiakkaat akuersissummik qinnuteqarnissamut soqutiginnittut, tassungalu atatillugu piumasaaqatit suunerat paaserusullugu. Tamatuma kingorna ingerlatsiviup Inuussutissarsiornermut immikkoortortaq oqaloqatigivaa, taanna kommunimut pilersaarummut pituttugaanngilaq.

Kalaallit Nunaanni Pinngortitaleriffiup decembarimi 2022 peqataatitsinerup qanoq ingerlanissaa immikkut suliarivaa, ingerlatsivillu tassunga atasuni aaqqissuussani arlalinni peqataavoq. Tamanna aqutigalugu inuussutissarsiuutigalugu aamma sunngiffimmi piniartut sinniisaannik oqaloqatigiissutigineqarpoq akuersissummik pigisaqarneq qanoq isumaqartoq, aammalu ullumikkut tammajuitsussarsiniarluni piniarnermik ingerlatsisoqartoq, piniarnermut allagartaqaraanni inerteqqutaanngitsoq. Ajoraluartumik apersuilluni misissuinnermi takornariaqarnermik inuussutissarsiornermut peqataasoqanngilaq, taamaattumik neriuutigineqartutulli siamasitsiginngilaq. Peqataatitsinermi akissutit inernerini ersarissivoq akulerussuineq annertusoq taamaasilluni taaguutit akuersissuteqarnerit aamma tammajuitsussarsiniarluni piniarneq paatsoorneqarsimallutik.

Peqataatitsinermi akissutit inernerini ingerlatsivimmit tiguneqarput, tassanilu allassimavoq 44-t akissuteqartut, taakkunanilu amerlanerpaat ilisimatitsisimasut sunngiffimmi piniartarlutik. Amerlanerit akuersissuteqarnerit tammajuitsussarsiniarluni piniarnerit nangaassuteqarfigigaat erserpoq, najukkami inuiaqatigiinnut sunniuteqarnissaa annilaangaginerullugu. Allanguutissatut kissaatigineqartut amerlanersai inatsisunik tunngaveqarput taamaattumik kommunip suliaaqqarfiginngilai - taakkunani ilaapput piniarnissamut piffissaq, angallaneq il. il.

### Sulinerup ingerlariaqqinnera

Kommunimut pilersaarummut tapiliussaq inaarutaasumik akuersissutigineqarpat, ingerlatsiviup naalakkersuisoqarfimmik suleqateqarluni akuersissummik piginnittussarsiorneq tamatumani lu piumasarineqartut aamma suliarissavaat, taama ilionnikkut imminut attanneqarsinnaasumik ineriartortitsineq qulakkeerneqassaaq - nunami avatangiisit najukkamilu suliffissat ilanngullugit.

Ingerlatsivimmit siunnersuutigineqarpoq Paamiut Qeqertarsuatsiaallu eqqaaniittut misissuiffigineqarmata peqataatitsineq aallartinneqassasoq, tassani tammajuitsussarsiniarluni piniarnermut pilersaarusiortoqarsinnaavoq. Sumiiffinnili taakkunani marlunni innuttaasut tamanna siunnersuutigisimagaat takussutissaqanngilaq.

Kommunimut pilersaarummut tapiliussassatut siunnersuummik matuminnga 010-1, Nunatarsuaq, akuersinikkut sumiiffimmut Nunaannarmut pilersaarummi 2-2-mi aalajangersakkat kommunimut pilersaarummi allaaserineqartut atorunnaassapput.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersaatillit**

- Pilersaarusiorneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-meersoq
- Kommunitum pilersaarut digitaliusoq [www.kp.sermersooq.gl](http://www.kp.sermersooq.gl)
- Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisissaat nr. 19, 3. december 2012-meersoq

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitum pilersaarummut tapiliusseq O10-1 Nunatarsuaq, Nuuk
4. Pinngortitaleriffiup peqataatitsinermit nalunaarusiaa
5. <https://kp.sermersooq.gl/aalajangersaanermut-tunngassuteqartoq/nunaannaq/nunaannaq/o2-gl/>

# **IMMIKKOORTOQ 8: Oqaluuserisassanut tapiliusseq: Nuummi Kapisilinnilu 2023-mi upernaakkut ataatsimiititat ataatsimut angalanissaat**

## **Beslutning**

Inassuteqaat akuersissutigineqarpoq.

## **Ilanngussat**

Ataatsimiititat angalanissaannut aaqqissuussaaneq (1. juuni 2021-mi aalajangiussaq)

Ataatsimiititat angalanissaannut pilersaarut

## **Nuummi Kapisilinnilu 2023-mi upernaakkut ataatsimiititat ataatsimut angalanissaat**

Sanarfinermut Avatangiisinullu Ataatsimiititaq aamma Aningaasaqarnermut Inuussutissarsiornermut Ataatsimiititaq

Aalajangiiffigisassaq

SagsID: EMN-2023-00928

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Suliffeqarfimmut Kiffartuussivik - Kommunaldirektøri Ole Jakobsen / OJAK

### **Inassuteqaat**

Sanarfinermut Avatangiisinullu Ingerlatsiviup aamma Suliffeqarfimmut Kiffartuussiviup

Sanarfinermut Avatangiisinullu Ataatsimiititamut inassuteqaatigaat:

- ataatsimiititap Aningaasaqarnermut Inuussutissarsiornermullu Ataatsimiititaq peqatigalugu 2023-mi sap. ak. 20-mi Nuummi Kapisilinnilu angalaqatigiinnissaat akuersissutigineqassasoq
- suliaq aalajangiiffigisassatut Aningaasaqarnermut Inuussutissarsiornermullu Ataatsimiititamut ingerlateqqinneqassasoq

### **Suliassamik saqqummiussineq**

Kommuneqarfik Sermersuumi illoqarfiit nunaqarfiillu pillugit qinikkanit paasisaasaqarfiginerunissaat ilisimasaqarfiginerunissaallu kiisalu kommunimi innuttaasunik oqaloqateqarnissaq ataatsimiititat angalaneranni siunertaavoq. Ataatsimiititat angalanerini aamma suliamut tunngasunik aalajangersimasunik ataatsimiititat namminneq suliassaqarfimminnut tunngasunik paasisaqarnerunissaat isumassarsiortarnissaallu periarfissaalissaq.

Kommunalbestyrelsip ileqquumik siullermik ataatsimiinnerani 1. juuni 2021-mi piffissami qinigaaffiusumi 2021-miit 2025-mut ataatsimiititat angalanissaannut aaqquissuussaq akuersissutigineqarpoq (ilanngussaq 1). Aaqquissuussaaneq malillugu Sanarfinermut Avatangiisinullu Ataatsimiititaq aamma Aningaasaqarnermut Inuussutissarsiornermullu Ataatsimiititaq 2023-mi ukiup affaata siulliup iluani Nuummi angalasussaapput.

Ataatsimiititat angalanerminni aallaavittut ikinnerpaamik nunaqarfik ataaseq ilanngullugu angalaffigisassavaat. Angalanissamat matumunnga atatillugu Kapisillit tikinneqarnissaat siunniunneqarpoq.

Sap. ak. 20-mi Kommunalbestyrelsip ataatsimiinnissaanut ungasinngitsumut angalanissaq inissineqarpoq. Taamaaliornikkut ilaasortat Nuup Avataaneersut angalaneranni aningaasartuutitigut sipaartoqassalluni.

### **Ingerlatsivimmit aningaasatigut sulisoqarnikkullu naliliinerit**

Ataatsimiititat pineqartut Nuummi Kapisilinnilu suliassaqarfitsik ataatsimoorussatik paasisaasaqarfigineruniarlugit angalaqatigiinnissaat allaffeqarfimmit pissusissamisoortuusoq nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.



## **Inatsisitigut tunngavissaq allakkallu tunngaviusumik uppernarsaatillit**

- Ataatsimiititat angalanissaannut pilersaarut

### **Ilannussat**

1. Ataatsimiititat angalanissaannut aaqqissuussaaneq (1. juuni 2021-mi aalajangiussaq)
2. Ataatsimiititat angalanissaannut pilersaarut

## **IMMIKKOORTOQ 9: Lukket**

**IMMIKKOORTOQ .: Taasariaqartut allat**

# **IMMIKKOORTOQ .: Imaqarniliap akuerineqarnera**

## **Beslutning**

Imaqarniliaq akuersissutigineqarpoq nal. 15:25.